

lumus universis imperii nostri fidelibus tam presentibus quam futuris, quod Guido Malabucca et fratres Guido Siglarardi et frater eius comites de Bagnacavallo fideles nostri maiestati nostre humiliter supplicarunt, ut ipsos sub nostra et imperii protectione recipere et infrascripta eis dare et concedere et investire eos exinde de nostra gratia dignaremur, Nos itaque, qui fidelium nostrorum fidem pre oculis semper gerimus et obsequia eorum non patimur inremunerata transire, attendentes fidem puram et devotionem sinceram, quam predicti comites de Bagnacavallo fideles nostri ad maiestatis nostre personam et sacrum imperium habent pro gratis quoque servitiis, que nobis et imperio exhibuerunt hactenus tam fideliter quam devote et que exhibere poterunt inantea gratiora ipsorum supplicationibus favorabiliter inclinati ipsos in personis et omnibus bonis eorum, que in presentiarum habent, tenent et possident et inantea iusto titulo poterunt adipisci, sub protectione ac defensione culminis nostri recepimus speciali. De habundantiori quoque gratia nostra damus et concedimus eis et per rectum feudum investimus eosdem de Bagnacavallo cum eius curte, Cuthignola cum eius curte, Fabriago cum eius curte, Casteln . . ., curte Limitaldi, castro Serre cum eius curte, castro Maczolani cum eius curte, Tauxignano cum eius curte, Casali ^a cum eius curte, castro Saxi cum eius curte, Saxignon.^b et eius curte, patronatico plebis Panigalis, patronatico plebis Ser[r]e, patronatico plebis Tauxignani, patronatico plebis castri de Saxa cum silvis, pratis, pascuis, vallibus, paludibus et omnibus eorum pertinentibus et cum omnibus iustitiis et iuribus sive iurisdictionibus eorundem ita tamen, quod ea semper a nobis et ab imperio teneant et etiam recognoscant et de dominio nostro et imperii ea subtrahere non intendant et debita et consueta servitia nobis et successoribus nostris et imperio dicti comites facere teneantur. Statuimus igitur et imperiali sanctimus edicto firmiter iniungentes, ut predicta omnia sint eis decetero valitura, dum modo in nostra fidelitate et imperii persistentes a nostris umquam servitiis non recedant. Firmiter etiam prohibemus, quatinus nullus dux, nullus marchio, nullus archiepiscopus vel episcopus, nullus capitaneus seu vicarius, nullus comes, nulla civitas, nullum comune, nulla universitas, nulla denique persona alta vel humilis, ecclesiastica vel secularis predictos comites fideles nostros contra presentis privilegii nostri tenorem ausu temerario inquietare molestare seu perturbare presumat. Quod qui presumpserit, indignationem culminis nostri se noverit incursum et quinquaginta libras auri optimi pro pena compositurum, medietate scilicet camere nostre et reliqua medietate passis iniuriam applicanda. Ad huius autem protectionis, dationis, concessionis et investiture nostre memoriam et robur perpetuo valiturum presens privelegium fieri et sigillo maiestatis nostre iussimus communiri. Huius rei testes sunt: Fridericus illustris regis Castelle filius, dilectus nepos noster, Riccardus comes Caserte sacri imperii in ducatu Spoleti et ab Amelia usque per totam Maritimam vicarius generalis, Pandolfus de Fasanel[is in T] uscia, Jacobus de Morra in March[i]a, Ubertus marchio Pelauicinus in Lu[ni]sana^c Versilia, Garfagnana et partibus convicinis similiter vicarii generales, Gualterius comes Manupplelli (...) ^d curie nostre iudex et alii quam plures.

§ Signum domini nostri Friderici dei gratia invictissimi [Monogramm] Romanorum imperatoris semper augusti Jerusalem et Sicilie regis §.

a) Or. Casal. b) Or. Saxignon. c) Or., sonst Lunigiana. Lunisane in BF 3347. d) Größere Lücke von etwa 3–4 Worten.